



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Fasti Mariani Cum Divorvm Elogiis In Singvlos Anni Dies  
Distribvtis**

**Brunner, Andreas  
Pfeffer, Wilhelm**

**Antverpiæ, 1637**

S. Simeon Conf. 1. Iunii.

**urn:nbn:de:hbz:466:1-44055**

## J U N I U S.

S. SIMEON CONF. I. Iunii.

SIMEON Siculus adoratis, quas Dei Filius sacravit, regionibus, ad amorem paupertatis, quam omnia ejus vestigia spirant, exarsit. Jura sanctitatis eum Anachoretes docuit, vel semel exercitatem in feminas oculum gravi oratione ad officium revocaturus. Ab eo denique manumissus loca plura magnis virtutibus nobilitavit. Subinde in piratas incidit, nihilo mitiora comitibus occisis passurus, nî salientem de puppe petumque tellis divinior vis texisset. Tandem delatus Treviros, speculam sibi in turris fastigio elegit, quam expugnare orcus aggressus, suas in Christianum Herculem hydras, & omne monstrorum genus nequidquam armavit. Stultius strategema fuit, cum perdit tenebriones, nescio quos, fatuos ignes radiosque tugurio ejus infunderent; sed ille fanaticam lucem oculis non admisit, solem suum mortuo sibi oriturum dictans: dæmones elusis artibus suis, auxilium ab hominum malevolentia pertinuit, qui noxiā aquarum inundationem sceleribus ejus imputare ausi, convitiis saxisque in caput innocentis sunt graffati. Stationem tamen non ante deseruit, quam illum cæli Imperatore vocaret an. M. XXXV. Corpus ejus exanime prodigioso sudore immaduit. Quis arduam neget ad cælum viam, in quâ etiam hic cursores, & quidem post mortem, sudant? Ex Surio.

Beatus, qui omni spe rerum hujus mundi seipsum orbat, ac in solo Deo omnem spem fixit atque locauit

*vit suam : sicut enim execrandus est ille homo, qui spem suam positam habet in homine , ita omni laude dignus, qui ex Deo totus pendet. S.Baf.Orat.7.*

SS. MARCELLINUS & PETRUS  
M M. 2.Iunii.

**N**Ihil agis impietas ; Christi servus etiam inter vincula liber est ; insultabat Arthemius PETRO compedibus onerato, experiretur Dei sui vires , & rumperet catenarum nexum , si tantum in JESV nomine confideret. PETRVS non id modò præsttit, sed Paulinam insuper ejus filiam diaboli mancipium, expulso improbissimo tyranno, in libertatem afferuit , unaque Arthemio persuasit, Deo anteà subsannato , cum omnibus carceris incolis , sacramentum dicere. MARCELLINVS, qui eos Christiano ritu abluerat, nudus vitri fragmentis impositus, non antè quām ab Angelo iussus, ex illo se lecto proripuit , & cælesti veste excutus cum PETRO , quem idem Angelus cippo exemerat, Christianorum se cœtui reddidit ; quibus animandis cùm septem ipsos dies impendisset , pleno tandem agmine Arthemium cum uxore & filia ad supplicium eentes comitatus est. Ipsi denique in silvâ , cui Nigræ cognomentum fuit , inter senticeta, capite plexi sunt. Nihilominus vel invito tyranno, abscondi inter spinas lilia nō potuere, & sanctitatis odor rubentes suo sanguine rosas prodidit. Lucilla & Firmina castis illas manibus legerunt, & in communī SS. Martyrū viridario collocarūt. Silvę quoq; nomen immutatum est; pro Nigrâ, Candida posthac audiit. Esto & tu lilyum inter orbis spinas , & cæli candidatum te appellabo. Ex Surio.

*Parati simus semper irruentes vitiorum cuneo*